

臣王先謙敬編

臣周潤著恭校

康熙二十一年壬戌春正月壬戌以上三簡賜外藩王貝勒貝子公台吉及內大臣大學士上三旗都統副都統尚書侍郎學士侍衛等宴上御乾清宮宴大學士部院卿寺翰林科道諸臣九十員上命學士張英侍講高士奇傳諭口向來內殿筵宴諸臣未與今因海內乂安時當令序特於乾清宮賜宴君臣一體共樂昇平同昭上下泰交之盛諸臣當權作暢飲以副朕懷大學士李蔚奏曰皇上特恩曠典千載一遇臣等不勝感激奏畢分左右班以次序進樂合各就位叩頭坐上進膳諸臣乃飯上命各飽飫盡量少選微饌更設肴核酒觴既陳大學士勒德洪至御

前跪進酒上壽畢

上命大學士尚書都御史侍郎學士以次至

御座前親賜飲以下諸臣俱命至

御前賜飲又命學士張玉

書張英傳諭曰今日內殿嘉宴特敕諸臣笑話無禁諸臣奉詔暢

飲極歡樂奏二闕

上復命張玉書張英傳諭曰宴畢時諸臣可

近

御座前觀鐙朕更賜以卮酒於是大學士尚書都御史以次

至

御座旁觀鰲山鐙又命侍郎以下諸臣俱至

御前賜飲特

命光祿寺卿馬世濟右通政陳汝器至

御座前親賜飲以馬世

濟爲殉難巡撫馬雄鎮之子陳汝器爲殉難副使陳啟泰之子也

既徹筵諸臣以次出

上命羣臣有需僻者令內官扶掖而行

上召張玉書陳廷敬張英諭曰每見漢唐以來君臣同樂有廢和

之詩今朕雖不敢效古先聖王亦欲紀一時之盛可做柏梁體賦

詩進覽陳廷敬奏言臣等草野賤士得觀

天家景物蒙

聖恩

深厚真明良喜起之休且百工熙庶事康皆君臣交儆之辭自是
唐虞盛事臣等身際休明受恩愈深但愧報稱愈難於是陳廷敬
等出宣旨羣臣奏曰臣等敢不歌詠太平但恐不能磨颺 聖德
大學士李霽言柏梁體詩首一句當恭請 皇上御製陳廷敬復
又奏 上曰明日早發○遣中使至大學士杜立德第賜酒饌諭
曰卿弼亮老臣久任機密端醇恪恭勤慎素著茲海宇蕩平時當
令序內殿賜宴廷臣念卿臥病不克同此歡讌特遣中使慰問賜
以醴饌卿其加餐珍攝以副朕惓惓至意○癸亥翰林院掌院學
士陳廷敬內閣學士張玉書至乾清門候旨侍衛捧 御製詩序
出 御製首句云麗日和風被萬方羣臣集太和殿下以次各賦
詩九十三韻序云朕於宣政聽覽之餘講貫經義歷觀史冊於書
見元首股肱唐虞喜起之盛於詩見鹿鳴天保諸篇未嘗不慕古

之君臣一德一心相悅若斯之隆也今際海內宴安兵革偃息首
春令序九陌鐙輝豐饗有徵吾民咸樂思與諸臣欣時式燕爰於
乾清宮廣集簪裾肆筵授几斯時也蟾光繁炬焜燿堂廉綵樹瓊
葩維羅樽俎許笑言之勿禁寬儀法而不糾復令次登文陛渥以
金疊咸俾有三爵油油之色焉易曰上下交而志同傳曰享以訓
恭儉宴以示慈惠則今日之兕觥旨酒豈徒以飲食宴樂云爾哉
顧瞻諸臣或位居諸弼或職任卿尹或典文翰或司獻納宜共成
篇什以紹雅頌之音朕發端首倡倣柏梁體班聯遞賡用昭昇平
盛事冀垂不朽云○丙寅調蔡毓榮爲雲南貴州總督
由湖廣調○丁
卯議政王大臣會議逆賊吳三桂骸骨分發各省吳世璠首級交
與刑部懸挂示衆逆黨夏國相應凌遲處死及勢迫投降降巴賽元
等五人應立斬梟示 上曰此中尙有可議者否大學士勸德洪

明珠奏曰此輩罪犯已極應正國法似無可議又逆賊耿精忠等十人應凌遲處死其逆黨黃國瑞等十九人雖立斬上曰耿精忠身造罪孽雖當極刑其子等俱行凌遲亦有可憫可改爲斬否明珠奏曰耿精忠之罪較尙之信尤爲重大尙之信不過縱酒行兇口出妄言耿精忠負恩謀反且與安親王書內多有狂悖之語甚爲可惡上又曰賊黨官員內尙有可矜者否明珠奏曰此內有陳夢雷金鏡田起蛟李學詩四人犯罪固應處死然尙有可宥之處上曰耿精忠等事關重大著議政王大臣九卿詹事科道會同詳議其吳三桂骸骨分發各省及吳世璠首級懸示夏國相凌遲巴養元等梟示等事亦示九卿等知之明珠奏曰春正雖不用刑但此輩罪惡重大與尋常不同應於兩三日完結○及辰議政王大臣會議逆賊耿精忠等分別凌遲處斬具題得旨耿精忠

革去干爵著卽凌遲處死其子耿顯祚革去散秩大臣著卽處斬

徐文耀王世瑜白顯中江元勳曾養性王振邦蔣得祿歸進忠俱

卽凌遲處死黃國瑞林芳孫慶廷雲李似桂夏季旺呂應斗武灝

司定猷沈偉郭景汾羅萬里祖宏勳陳儀陳斌呂八俱著卽處斬

耿精忠劉進忠首級著梟示田起蛟金鏡李學詩陳夢雷俱從寬

免死內係旗人給與伊本主爲奴係民人官給披甲充漢洲爲奴

餘如議○以塞克德爲左副都史

由御史遷

○己巳諭理藩院書

阿穆瑚那等近見內外蒙古接壤地方互相擾奪盜竊者甚多遇

此等事遣爾衙門官員前往察閱不思調和兩國裨益地方據實

奏聞以副朕驅使但苟且竣局希圖脫免凡事有問諉云不知此

等事情皆朕親行諮訪得之爾等堂司官何曾啟奏一事爾衙門

司官筆帖式並無一人克盡職掌著將此諭傳知以後務期勤慎

效力不得仍前草率疏忽○封安親王岳樂子岳希爲僊郡王○調黃衛國爲湖廣總督裁江西總督歸併江南○磔從逆貫州提督李本深於市伊係李象乾李象坤及民籍親弟之子李濟祥李濟民並立斬○辛未諭戶部漕糧定例官收官兌獨浙江民兌另立私截之名困苦百姓著檄巡撫嚴禁違者即行參劾○壬申鑄御製昇平嘉宴詩序及詩於石貯翰林院敬一堂○乙亥以格爾古德爲直隸巡撫

由內閣學士遷

○復直隸軍政○丙子以馬世濟爲

左副都御史

由光祿寺卿遷

二月庚辰以達都爲左都御史

由吏部左侍郎遷

○議政王大臣等議都

統根特不請旨擅拘禁提督佟徽年又不進重慶輒以山大路險題請又令進勦譚宏彭時亨復准該規避應削職得旨根特才具頗優人亦勇健情罪不甚重大卽行削職似屬可惜著隆級從寬

留任○辛巳裁郎陽提督設副將一中軍都司一左右二營守備

二留兵一千六百名

○壬午以達岱爲內閣學士

由詹事還

○以馬斯

賈爲福建布政使

由偏沅按察使還

○予故太子太傅都統三等公議政

大臣中和殿大學士兼吏部尚書圖海祭葬加祭二次諡文襄○

先是左副都御史余國柱請釐正郊廟燕享樂章上曰饗祀樂

章一代制作所繫禮部翰林院集議以聞至是部臣等議曰古廟

樂原以頌述祖宗功德本朝郊祀天地各壇廟樂章曲名曰

平見今遵用已久況太祖太宗世祖同在太廟致祭不

便分廟另撰宜如舊惟朝會燕饗等樂會典所載曲調風雅未備

宜敕下所司酌古準今求聲律之原定雅奏之節進呈請定嘉名

以昭盛典從之○癸未以滇省蕩平遣官祭撫鎮海濱歷代帝王

陵寢先師闕里○宗人府題開散宗室勒爾錦贈朱方旦至人里

聖人堂扁額原任湖廣巡撫張朝珍贈聖教帝師扁額應行文巡撫王新命查其果有憑據否或係朱方旦自行標榜俟問明具題到日再議 上諭大學士等此事毋庸行查前勒爾錦領兵在荊州時朕已聞此等事會議彼時差去之人朕知朱方旦係狂妄小人軍機大事萬不可聽其蠱惑又對秦遣往軍前同時路經武昌原任巡撫張朝珍向對秦云朱方旦果一奇異神人爾宜相會遂接見以賓禮優待由此觀之勒爾錦等所贈扁額是真著即議結尋議勒爾錦見在羈禁張朝珍已經病故俱無庸議得旨張朝珍所贈世襲官革去○甲申 上御經筵○裁江西饒州總兵官設參將一○乙酉轉覺羅沙賴爲吏部左侍郎調科爾坤爲吏部右侍郎山戶部調○丙戌調董國典爲福建巡撫以王日藻爲河南巡撫山江布○丁亥以王定國爲安徽按察使山浙江嘉興道遷○己丑予

四川殉難知州徐盛通判薛人鳳知縣廖士貞王寶典史劉廷臣
卹贈有差○辛卯 上爲 太皇太后祝釐居景山齋戒祭星遣
近御侍衛隨保儲慈寧宮首領太監牛之奇乾清宮首領太監顧
文興祭星三年○議政王大臣會議原任布政使成額筆帖式巴
席書舒從賊應立斬得旨伊等情罪法雖寬宥且巴席係滿洲人
與巴三綱聯爲兄弟情罪甚爲可惡依議立斬成額書舒改立絞
○敘恢復海澄廈門金門功給福建總督姚啟聖拜他喇布勒哈
番又一拖沙喇哈番○壬辰諭學士張英爾素性醇樸侍從有年
朝夕講筵恪共盡職茲因爾父未葬具奏請假朕念人子至情忠
孝皆出一理准假南旋特賜白金五百兩表裏二十疋旣旌爾勤
勞兼資墓出之用爾其欽悉朕惓惓至意○直隸巡撫格爾古德
陞辭 上諭凡爲官者承貪吏之後名譽甚易承廉吏之後名譽

甚難金世德子成龍居官有聲爾繼其後得名必遲爾毋欲速以求名速則恐致貽害直隸旗下莊頭與民雜處朕聞所在兇惡莊頭自以旗下倚恃其主甚爲民害爾到任後加意嚴查務期懲創卽皇莊亦毋寬宥○轉額庫禮爲戶部左侍郎調宜昌阿爲戶部右侍郎

由刑部調

○癸巳

上以雲南蕩平祭告

永陵

福陵

昭

陵 皇太子允禔從是日啟變○裁山東提督○外藩王貝勒貝子公台吉等請上 尊號不許○九卿詹事科道等議覆翰林院侍講王鴻緒奏參楚人朱方旦詭立邪說妄言休咎煽惑愚民誣罔悖逆經湖廣巡撫王新命審實具題朱方旦應立斬顧齊宏陸光旭翟鳳彩甘稱弟子造刻邪書傳播中外俱應斬監候從之○乙未 上謁 孝陵○戊戌 上遣領侍衛內大臣舅舅佟國維大學士明珠往伯夷叔齊廟行禮諭伯夷叔齊古之聖人清風可

仰爾等前往可焚香展敬○庚子偏沅巡撫韓世琦奏料理廣西軍務督捕右理事官麻勒吉移稱逆賊黃明已被苗人殺死應撤兵回楚下部知之○辛丑 上出山海關○是月免廣西柳州貴州慶遠康熙十八年通賦及江南海沐陽等三州縣去年被水額賦

三月己酉朔以張所志爲江西布政使

由福建按察使遷

范時秀爲湖南

按察使

由雲南永昌道遷

○庚戌

上漁於遼河賜從官魚○壬子

上

謁

福陵又謁

昭陵是日駐蹕盛京○甲寅

上詣

福陵行

大祭禮○丙辰

上詣

昭陵行大祭禮○

上途間屢次奏請

太皇太后

皇太后聖安至是附奏

太皇太后書曰臣自山

海關至盛京水土皆佳獸多鮮魚每當食頃輒念不能馳奉太

皇太后聖祖母甚歡於懷到盛京後身親網獲鱸魚 魚設法成

段浸以羊脂者一種鹽醃者一種星馳遞送心期奉到之日儻得
味仍鮮美庶可稍見微誠山中野燒自落榛實及山核桃朝鮮所
進柿餅松子曰菓栗子附候 安奏啟同往伏乞 俯賜一笑不
勝欣幸○諭戶部刑部朕承 祖宗丕緒撫御區宇日以子育元
元爲念自逆賊吳三桂倡亂滇南多方煽動軍興八載中外騷騷
仰賴 祖宗在天之靈默垂眷佑殄滅兇渠民生乂安繼宇底定
特行偏祀 山陵之禮用告成功茲恭詣 福陵 昭陵謁祭禮
竣惟盛京爲國家肇基重地朕躬親幸宜沛大澤以示殊恩山海
關以外及甯古塔等處地方官吏軍民人等除十惡死罪不赦外
其餘已結未結一切死罪俱著減等發落軍流徒杖等犯悉准赦
免奉天錦州二府屬康熙二十一年地丁正項錢糧著通行蠲豁
其官役墊補包賠等項應追銀兩察果家產盡絕亦並豁免用稱

朕加惠根本優恤黎民至意○齊守陵官及盛京諸臣年老致

仕甲士傷廢退閒者咸賜予有差○己未上謁永陵行大祭

禮○庚申上幸烏喇行圍○辛酉望祀長白山○予故兵部侍

郎項景襄祭葬○乙亥御舟泛松花江至大烏喇

夏四月辛巳上回鑾○壬午調杜臻爲吏部左侍郎由刑部調○癸

未賜烏喇將軍副都統等宴並衣幣鞍轡資烏喇致仕官以下○

丁亥以趙進美爲福建按察使由河南洞北道遷○兵部題僞將軍王公

良王仲禮僞巡撫吳國僞侍郎劉國祥僞太僕寺卿蕭應秀僞員

外郎劉之延等值逆賊吳三桂變亂卽助惡反叛擾害地方應行

文將軍馬緝總督蔡毓榮巡撫王繼文卽行處斬至原任鎮遠副

將從逆爲僞將軍鎮遠伯江義不思皇上擢用封疆之任以圖

報效乃背恩反叛助吳三桂行惡情罪甚重及大兵恢復雲南仍

隨逆賊胡國柱逃匿勢窮始來歸誠肅行文將軍馬緝等卽凌遲處死並王公良等首級懸示伊等十六歲以上子亦俱在彼處處斬家產籍沒其妻並未及年歲之子查交內務府其餘徽員該督撫等分發山東河南湖廣江西省安插投誠偽總兵以下人等應歸入凱旋官兵六起內赴京從之○兵部題原任經略中軍總兵官吳石珊係留軍前效力贖罪之人今雲貴恢復應令吳石珊同大兵來京到日再議得旨吳石珊係包衣佐領下舊人順從王輔臣深爲可惡著拏送來京○兵部題逆賊胡國柱王緒李匡等各處抗拒大兵及恢復雲南潛身逃竄屢次招撫不卽投誠被大兵迅迫緝拏情急始行自縊蹈火而死情罪重大伊等子弟法難寬宥應行文將軍總督等悉行處斬妻女家口財物籍沒交送內務府從之○兵部議覆廣西巡撫郝洛奏安南都統使莫元清同弟

莫敬光爲安南鄭祚攻偏投奔內地並無從逆助惡擾害地方之迹但先經原任將軍奔依圖奏稱莫元清棄高平敗奔富州又安南國王黎維正奏稱吳三桂變起莫元清同惡相濟爲賊辦糧莫元清蒙 皇上鴻恩封爲都統使駐防高平不圖報恩吳三桂反叛卽從賊助惡理應從重治罪但已身故應免議處革去都統使之職莫敬光既經帶領家眷繳印投誠免其應擬之罪係外國之人不便居於內地應行該督撫將莫敬光及伊帶來家眷一併發回安南移咨國王將莫敬光等毋致殘害務令安插得所從之○辛卯命翰林院檢討汪楫爲正使內閣中書舍人林麟煊爲副使往封琉球國世子尙貞爲琉球中國山王○甲午先是福建提督施琅奏賊踪久泊澎湖悉力固守當此冬春之際颶風時發我舟驟難過洋臣見在練習水師又遣間諜通臣舊時部曲使爲內應

請俟明年三四月間進兵可獲全勝 上允之至是施琅奏夏至
南風盛發不可進兵請至十月大舉 上命議政王大臣集議僉
謂師期不便屢遷應檄總督姚啟聖提督施琅尅期於夏至後進
取臺灣得旨進剿海寇關繫重大總督姚啟聖提督施琅身在地
方將海面形勢賊中情狀審察確實如有可破可勦之機著協謀
合慮酌行勦撫毋失機會○丁酉諭大學士明珠朕巡行沿邊地
方見設立界限處墳墓毀損枯骨暴露者甚多著盛京將軍安珠
護徧察瘞埋○戊戌兵部題懷忠將軍海潮龍谷解吳逆叛時僞
總兵劉芝林將伊舉家擒拏俱行分散貲財鈔洗應行文鎮安將
軍馬緝並雲貴督撫將所鈔海潮龍見貯家財及家口查還其入
在來京六起之內者亦查明發還從之○己亥 駕過海城縣遣
內大臣公坡爾盆往平南親王尚可喜墓奠酒○乙巳尙陽堡流